

COVID-19 gabiingwebchigan nikaazang: Ezhi wenaamdaman, nikaazang miinwaa naagdowenjigaadeg gabiingwebchigan

OJIBWE DE L'EST / OJIBWE EASTERN

✓ Zhichigen



Naanaagdowendan newen dnowaa gabiingwebchiganan etemigag bemaadizijig awii nikaaziwaad:

- › gaawii mashkiki gabiingweganan
- › mashkiki gabiingweganan
- › meshkwadanaamang nikaaziwinan



Giikinan epiichi minakaman gdo gabiingwebchigan maanda nikiiyaa:

- › naawisidon owi zhiibigshkaamigag ojaanjing etemigag
- › naawisidon newen atoganing baamskosing, dikobijiganan maage zhiibigshkaginan owi gdo gabiingwebchigan baapizikaamigag g'dengwaaning.



Zagakanan gdo gabiingwebchigan owi baaninaagwog maziniginii maage gidaaginiwi mashkitmad giishpin nendaman awii biiskaman miinwaa.




Wenaamdan gabiingwebchigan baaninaagwog, byaatemigag miinwaa e'biigshkaasinag.



Giishpin biiskaman owi gaawii maskiki yaawizinag gabiingwebchigan, wenaamdan bezhig ezhichigaadeg gmaaminig minik nesemigag aagowitosisijiganan, e'digosin:

- › Gnigen gwa niish aagowitosisijiganan owi mashkowi gikaadengaadeg gidagiigin miinwaa
- › nisiwi naanaagwiwiing etemigag zhaabwaasijigan aagowitosisijigan



Aanskan gdo gabiinwebchigan giishpin wiininaagwog, nisaabeweg maage biigshkaamigag, miinwaa ngoji atoon awii bwaa debinigaadeg.

- › Zigakanan waaninaagwog aanji nikaazang gaawii maskiki yaawizinag gabiingwebchigan zhiwe awii bwaa nisaabaaweg mashkimad maage taasijigan apiinsh apii biinchigaadeg.




Wenaamdan gabiingwebchigan weweni menkamang miinwaa kina giba-ang g'jaansh, g'doon miinwaa g'daamkan.



Aabaji biishkan gdo gabiinwebchigan eta ago gaawin:


- › wiisnii-in maage manikwewin
- › Ginoodad gwaya e'zinagizid gego awii nondang maage e'gindang adoonan



Giziibiiginan aanji nikaazang gaawii maskiki yaawizinag gabiingwebchigan (giziibiiginige nikaaziwin maage gninjiin nikaaziwin) owi gezhaagimideg, giziibiniwang nibiish, miinwaa weweni baasan jibwaa biishkaman miinwaa.



Giziibiigininjiin maage nikaazan ninjiin waabiiginigan jibwaa miinwaa shkwaa daanginaman maage giiskaman gabiingwebchigan.



Giishpin aabdek awii giiskaman gdo gabiingwebchigan:

- › ne-aab biiskan epiichi wewiib agwa ezhi gashkitowin
- › gagwekwendan aanin bkaan naajgewinan temigag, dibishko gonaa:
 - beshaa bwaa yaang
 - wenaamdaman weweni zhiibaa-aasing nodin maage ngojiing etemigag awaanji nibwaachewin



Pagidan waaninaagwog, nesaabaaweg maage baagshkaagin ngoji epagijigaadegin gabiinwebchiganan miinwaa zhaazhigwa agaa nikaazang zhaabwaasijigan ngoji enji pagijigeng maage nikaazan gabiingwebchigan enji biimiskobidechigaadeg zhichigewin giishpin bezhig temigag.



Nikaazan dikobijiganan, zhiibigshkaaginan maage toganing baamskosing awii biishkaman maage giishkaman gdo gabiingwebchigan.

✗ Gegwa zhichigeke



Gegwa gabiingwebchigan biiskonaake:

- › binoojiinig mashi niish biboon epiitiziswaaad
- › gwaya e'zinaagizid awii nesed epiichi biiskang gabiingwebchigan
- › gwaya nendowendang awii naadimowind giiskang gabiingwebchigan



Gegwa nikaazike:

- › gabiingwebchigan temigag zaagidanaamang biimskobijigan maage nesaakibijigaadeg biimskobideg nodin maage inji zaagidaasing.
- › naabikawaagan, moshwegin, naabikaagan maage zhaabwaase-aag gabiingwegan meshkod owi gabingwebchigan



Gegwa godoke gdo gabiingwebchigan onji kweganaang maage otawag, maage naami daamikan.



Gegwa maadokiike gabiingwebchiganan.



Gegwa daaninange niigaan yaawong owi gabiingwebchigan.



Gegwa aanji nikaaske ngoji epagijigaadeg gabiingwebchigan wiininaagwog, nisaabeweg maage biigshkaamigag.

Gnowendizan miinwaa gewe aanin bemaadizijig

Apii aagwiitosing newen aanin e'giikimigewaad bemaadizijig mina bimaadiziwin naagjigewinan, weweni e'zhichigaadeg, weweni minakamang miinwaa gagwek nikiiyaa biiskigaadeg gabiingwebchigan adaa naadaagemigag awii bwaa sweshkaamigag owi COVID-19.

Biiskaman gabiingwebchigan aawang ensa giizhigag zhichigewin.

Naagidon odenwining bemaadizijig mina bimaadiziwin giikimigewin owi apii aabdeg awii biiskaman gabiingwebchigan. Gabiingwebchiganan gnimaa adaa giikimigaadenon maage dowendaagodon zhiwe bemaadizijig enji maawinjidiwaad dibishko gonaa:

- › dawegamigoon
- › gikino amaadiigamgoon
- › nakii gamgoon
- › enji nakiing
- › maamowi bamidaabaangong

Waa-aaj agwa gabiingwebchiganan dowendaagsinag, biiskaman gabiingwebchigan aawan aanke aagwiitosing gnowenjigewin. Endagwen gwaa agii debinaman jitaawaganiwin ji-onji-aakozisin maage gaawin, gdaa

dibiwegendaan aji biiskaman bezhig zhiwe enji maamowi yaawin gewe bemaadizijig zaagjiwiing abi njibaajig endaawin. Gichi piitendaagwod maanda memdage agwa biindig, endagwen gwaa bezhigwong maage maamowi yaawaad bemaadizijig.

Gabiingwebchiganan mashkowi giikimigaadenon zhiwe gichi baatiinwaad bemaadizijig, miinwaa edigosing dibi-iidik jitaawaganiwin ji-onji-aakozisin dowendaagwog.

Maanji gwa iidik yaawong gdo jitaawaganiwin ji-onji-aakozisin, aabaji aagwiitosing bemaadizijig mina bimaadiziwin naagjigewinan, e'digosiong:

- › bekaa endaawin yaawin giishpin aakozii-in
- › nanaawitowin biindig biimskwaanimag
- › giikinan gdo beshaa yaawin apii wiiji yaawin gewe bemaadizijig ngoji bkaan abi njibaawaad gdo wiigwaaming
- › agawiniman gdo osasdamiwin miinwaa jaachaamiwin
- › giziibiiginaman maage waabshki biiginaman gninjiin wewiiba
- › biinitowin miinwaa waabshki biiginaman wewiiba e'daaninigaadeg desaagin miinwaa nikaaziwinan

Maanda giikimigewin onji aawan bemaadizijig miinwaa **gaawii** newen nankiiwin mina bimaadiziwin onji, e'digosin mina yaawin gnowenjige gamig yaawong.



Gouvernement du Canada

Government of Canada

Canada